

無錫文獻叢刊第四輯

梅里  
泰伯  
梅里  
志志

臺北市無錫同鄉會印行

無錫文獻叢刊第四輯

梅里志  
泰伯梅里志

臺北市無錫同鄉會印行


中華民國七十年二月一版

無錫文獻叢刊第四輯

(梅里志)  
(泰伯梅里志)

實價：精裝新臺幣貳佰元正

(郵運滙費另加)



鑑定者 錢

穆

出版者

光復南路四二〇巷二二號二樓  
臺北市無錫同鄉會

發行人

電話：七〇二五四二一  
臺北市無錫同鄉會代表  
謝立章

編輯者

無錫文獻叢刊編輯委員會

印刷者

實踐印刷有限公司

臺北市長泰街三〇八巷六號  
電話：三〇七二〇六三

## 無錫文獻叢刊序

吾邑——無錫·古之荆蠻地也。自吳太伯端委開基·奄有茲域·肇啓文明·號曰句吳·然諸夏攢之·比於夷狄·傳十九世·延陵季子·實誕斯土·閱覽博物·風流滋始·秦漢置縣·夙稱壯邑·山川秀麗·景色優美·顧史傳人物·自秦迄唐·寂無聞焉·北宋以降·人多大雅·經明行修·咸擅著述·蓋自將樂楊龜山先生受業於伊洛二程夫子之門·載道南還·止於吾邑之東林·日與諸生講學論道者一十八年·於是吾邑始有程氏之學·此道南一脈之所自昉也·其後尤袤爲龜山再傳弟子·稱南宋四家之一·越三百年·當明代成化年間·邵寶學宗龜山·以東林二字榜其城南之肄業館舍·纂程子定性書說·直探本原·能集諸賢之大成·綜其撰著·粹然一出於正·又一百年·顧憲成·高攀龍繼之·就龜山講學原址·規復東林書院·相與傳道授業·日與二三同志諷議時政·幾與朝局相終始·海內翕然宗之·憲成學主小心·故能立身剛方·持論醇正·攀龍學主格物·諫邪妄·刻奸壬·文境清適·詩意沖澹·其流風餘韻·亘清末而不衰。

清代襲明舊制·以科舉取士·爲士子進升之階·而館選有天子門生之稱·尤爲士子所爭

## 無錫文獻叢刊序

無錫文獻叢刊第四輯（梅里志、泰伯梅里志）

取。藉以光耀門楣。吾邑科名之盛。無過於秦、嵇、華、周四姓。秦氏四世松齡子道然。孫

詞林。人皆謂孝友傳家之徵。松齡更以博學弘儒供職史館。其孫蕙田以探花上第。官至大司

寇。嵇氏三世曾筠子璜。孫承謙。詞林。曾筠與子璜以忠節之後。父子大拜。華氏以行義著。累代科

名不絕。周氏亦孝友之後。在康熙、雍正、乾隆三朝。有祖孫、父子、叔侄、兄弟、翰林、

進士、舉人之家之稱。夙爲邑人所艷羨。其時世家子弟。除肆力於應試文字外。多能沉潛經

傳。研考史籍。或守家法而有所發明。或稟師承而自出機杼。隨手抄摘。積久成帙。經術則

有顧棟高之春秋大事表與毛詩類釋。蔡德晉之禮經本義。秦蕙田之五禮通考。史地則顧祖禹

之讀史方輿紀要。研史而兼貫地理。尤爲前古所未有之創作。皆煌煌鉅製。炳乎盛矣。文學則

康熙間之嚴繩孫。秦松齡。顧貞觀並以工爲詩詞稱三名家。而貞觀之彈指詞與迦陵。竹垞號

倚聲三傑。乾隆、嘉慶間。秦瀛官京師。與桐城諸子遊。時而上下其議論。後之張岳駿。侯

楨暨瀛子細業。同學於上元梅曾亮之門。所爲古文。並占桐城文派之一席。顧敏恒。楊芳燦

暨其弟揆之駢體文。亦嘗抗衡時彥。比肩齊驅。泊手晚清。有若薛福成。許珏之洋務。徐氏

父子壽子建寅。華封。世衡芳之化學汽機。華氏兄弟世衡芳之數理格致。楊模。侯鴻鑑。顧倬之倡導興學。以

及薛氏。楊氏。榮氏。唐氏之振興實業。是又另闢蹊徑。爲於舉世不爲之日。蓋能遠紹吳太

伯開疆闢土·誅茅刈草之毅力·近承東林顧·高真知實踐·學以致用之遺緒·有以致之·至其聲教所被·幾洋溢乎全國·而所以轉移風氣者·奚止一鄉一邑而已哉。

古代三老五更·以年齒賜爵祿·後世衰微·其制寢廢·敬老尊賢·耆舊尙矣·書有之·洪範五福·第一曰壽·高年碩望·自足表式閭閻·明成化·弘治間·秦旭年八十五·與同志九人結吟社於慧山第一峯下·每月擇日觴詠其中·十人者·或以高年稱宿望·或以碩德著士林·號碧山十老·清乾隆十六年辛未·高宗南巡·幸寄暢園·園爲秦氏別業·秦孝然年九十·率弟侄輩之年在六十以上者八人·迎駕園前·高宗賜詩有近族九人年六百·耆英高會勝香山之句·稱寄暢九老·後二十年·鄒一桂年八十六·張泰開年八十三·俱以禮部尙書予告林下·數與羣從之年逾七十者七人作西神二泉之遊·茗邊酒後·偶而伸楮揮毫·間亦對景嘯歌·好事者繪龍峯九老圖以紀其盛·近代則有民國二十二年癸酉·爲楊志濂重屆鹿鳴之年·闔色庠彥仿古鄉飲酒禮·譙集公園嘉會堂·主賓年八十二·領袖羣倫·與同席之八人攝影留念·署曰梁溪九老·復建九老閣·事詳碑紀·夫黃髮遺耄·類以厚德懿行著於鄉里·不獨尙年尊齒而已也·吾人生百世下·緬懷往哲·雖無老成人·猶有典型·其是之謂歟。

無錫文獻叢刊第四輯（梅里志、泰伯梅里志）

文獻之傳·厥爲典籍·典籍不存·文獻無徵·宣聖所以有不足之嘆也·吾邑縣志·昉於宋代·尤袤遂初堂書目著錄之·曰無錫志·其書久佚·元志曰無錫州志·四庫著錄·明代三修·景泰志曰錫山新志·弘治志曰錫山續志·萬曆志曰無錫縣志·清代凡五修·康熙志亦曰無錫縣志·乾隆志仍沿舊稱·其時已析置金匱·兩縣同城分治·實爲兩縣之合志·嘉慶志正名曰無錫金匱縣志·道光志稱續志·光緒志承嘉慶·道光兩志而增刪之·亦曰無錫金匱縣志·明清八次纂修·皆出自邑中耆碩宿望彙集諸家襍著·城鄉採訪而成·發凡起例·自有別裁·或詳人之所略·或棄人之所取·何者寧缺·何者應存·蓋亦有難言者焉·故弘治志續修初定·顧起經編勾吳佚典·萬曆志綴輯稿成·尤鏗著人物志補遺·孫秉禾著邑志辨訛·黃廣著史逸·~~康熙志重纂甫竣~~·有顧貞觀之邑志補訂·王抱承之開化鄉志·黃蛟起之西神叢語·乾隆志墨藩猶新·華玉淳撰邑志拾遺·黃印撰錫金識小錄·嘉慶志事增文損·錢泳·安念祖合作錫山補志·道光志板工方蕺·周有壬之錫金考乘·華湛恩之錫金志外·相繼行世·光緒志後·諸家著述·名目繁多·咸以所見所聞·分類編著爲專門之一種·以備後之修邑志者之採擇·不具錄·夫志爲史裁·蒼萃一方之事·其於正史·蓋具體而微也·操筆者或以囿於涉獵·致有疎略·或因寡於識斷·遂多抵牾·間有瑕疵·自所不免·雖馬遷之善敘事理·班氏譏其

是非·歐公之蓄德能文·吳縝糾其謬誤·況等而下之者乎·辨訛，補訂諸編·究以意近吹求·其書終於不存·至自草創以迄成稿·徵材之餘·必有所遺·闕入於志·或者擬於不倫·棄之不顧，毋乃過於苛刻·於是有效爲稗官野乘之流·輯爲叢語·識小等錄·所謂網羅放失·表彰潛隱·亦猶經之有別解·史之有外編·與邑志相輔相成·互爲表裏者也·故其書多有傳於後世者矣。

本會文獻管理會諸委員以影印梅里志與泰伯梅里志爲文獻叢刊之第四輯·既畢事·問序於余·余不敏·辭不獲·爰縷述吾邑之學術源流暨文獻與典籍之傳·謹爲旅台同鄉父老告焉。

台北市無錫同鄉會理事長謝立章序

中華民國七十年一月一日



## 無錫文獻叢刊序

本會前爲響應

總統蔣公復興中華文化之號召，曾於民國五十七年重印「無錫縣志」千部，以廣我中華正統文化之流傳，期勉邑人砥礪名節，效法先賢，立不朽之業，竟中興之功。刊行未及一載，承海內外同鄉、國內外大專院校、研究所等相繼購、贈無餘，對宏揚中華文化，粗具意義。

吾邑自吳泰伯蒞鄉開基，漸成禮義之邦，代有賢哲，獻替良多，文獻之盛，甲於天下。孔子曰：「夏禮吾能言之，杞不足徵也；殷禮吾能言之，宋不足徵也。文獻不足故也，足則，吾能徵之矣。」所謂文，指典籍而言，所謂獻，朱子集解引鄭云：「獻，猶賢也。」爾雅釋賢云：「獻，聖也。」是以吾邑之典籍與先賢之巨著，世人稱之爲「文獻」，不爲虛也。

各國學者、專家、學術研究機構，對「無錫文獻」極爲重視，用以研究我中華文化博大精深之所在，惟我邑人及研究「無錫文獻」者，苦無完整書刊，本會有鑒

於此，爰分向國內外蒐集資料，耗時三稔，始告齊全，並經有系統之輯爲「無錫文獻叢刊」，以三十二開本用上等模造紙精印精裝，分輯刊行，於每輯序文後簡介書目敘錄，俾讀者瞭解其全貌，益爲復興中華文化勉盡微勞。

資料之來源，蒙中央研究院王秘書志維先生、圖書館藍館長乾章先生等協助，將西神叢語一卷、錫金識小錄十二卷、慧山記四卷、惠山古今考十卷暨補遺一卷、錫山景物略十卷等珍本攝成照片，並予技術上之方便。復承故宮博物院將錫金考乘十四卷珍本複印。又蒙旅日教授李廼揚先生代向京都大學人文科學研究所洽請複印錫金志外五卷珍本。嗣以中央研究院珍藏之惠山古今考尙欠完整，經商請美國國會圖書館東方部中韓圖書組將完整之珍藏本複印寄來。各方關愛賜助，至爲感激，敬此致謝！

本刊之輯行，承史學家錢穆鄉長鑑定，編輯委員嚴希傑、許師愼、楊保和、沈映冬、劉公正等諸鄉長審慎從事，倍見辛勞，助助甚多，併誌謝忱！

謹書大意，是以爲序。

臺北市無錫同鄉會理事長陳仲良謹識

中華民國六十年四月一日

無錫文獻叢刊第四輯書目叙錄

(一)梅里志四卷，卷首一卷（清、三韓、吳存禮編，里人、杜詔訂，襄平、蔡永清校。同治八年己巳重印道光四年甲申泰伯廟西院住持華乾重刻本四冊。國立中央研究院傅斯年圖書館藏。）

地名梅里。不知始於何時。史記周本紀稱：「太伯、虞仲

索隱：虞仲即仲雍

知古公欲立季歷以傳

昌。乃二人亡荆蠻。文身斷髮。以讓季歷」。又吳太伯世家稱：「太伯、仲雍二人。乃奔荆蠻。文身斷髮。示不可用。以避季歷。……太伯之奔荆蠻。自號句吳」。兩文均稱太伯出奔荆蠻。未稱其地名爲梅里也。梅里之稱爲地名。就現存圖書而言。較早見諸載籍者：

一、後漢、趙曄

或作趙煜

撰吳越春秋（古今逸史本）——吳太伯傳註云：「太伯所都。謂之吳城。

在梅里平墟。今無錫縣境」。又傳曰：「太伯祖卒

祖、徂也、通徂。見中華大字典

。葬於梅里平墟」。

註引皇覽

書名、問經堂叢書中有輯佚家墓記一卷

云：「太伯墓在吳縣北梅里聚」。

二、南朝宋人、裴駟撰史記集解（武英殿本）——吳太伯世家註引皇覽云：「太伯冢。在吳縣北梅里聚。去城十里」。

三、唐開元中、張守節撰史記正義（武英殿本）——周本紀正義曰：「太伯奔吳。所居城在蘇州北五十里。常州、無錫縣界梅里村。其城及冢見存」。又吳太伯世家正義曰：「太伯居梅里。在常州、無錫縣東南六十里」。

四、唐僖宗時、陸廣微撰吳地記（學津討原本）曰：「吳人義泰伯。歸之。……號勾吳。殂卒。葬梅里」。（筆者按：泰與太通、子曰泰伯、史稱太伯、凡引諸書、俱從原文。）

嗣後學者咸謂吳太伯所居之地為梅里。未再研考梅里之名之始於何時。蓋自太伯迄今。已逾三千餘年。漢唐圖籍之亡於流失者。不知幾何矣。太伯所都之吳城。其經界廣袤。已不可考。梅里應是當時吳城之施政中心。其位置在長江以南。瀕太湖之濱。原來住在此一廣大地區之居民。受其感化之影響。當然很大。而且久遠及於後代。所謂大江以南之文身斷髮之俗。悉受其導化而逐漸成為衣冠禮樂之區。於是聲名文物之盛。甲於寰宇。然溯其始基。端在梅里片壤。自宋以來。為吾邑——無錫——二十二鄉之一。時人張其昀中國文化大學創辦  
人。前教育部部長曾寫過一篇「無錫人文」。開首敘述吳太伯對於此一古稱荆蠻之廣大地區之影響。即錄於後：

無錫人文（張其昀）

『長江下游太湖一帶，為中國近代精華會萃之區，財賦人文，甲於全國。若考其文化發祥地，則不在蘇杭，不在京鎮，而在無錫的梅里。無錫縣東南鄉有人工河流曰泰伯瀆，相傳為吳泰伯所開』

，至今可通行汽油船，爲無錫至蘇州之交通要道。梅里今名梅村，當伯瀆之中路，有橋跨河上，即名伯瀆橋。梅里雖是一個村落，實泰伯之舊都，想不到這彈丸之地，乃是江南最老的都城。梅里在縣城東南三十里，今尚有泰伯廟，俗稱讓王廟，其東北九里皇山西嶺，爲泰伯葬地，俗稱吳王墩。廟貌及墓道，皆儼然在望，並非古代神話不可徵信之事。當夏殷之世，江南之地，稱爲荆蠻，有斷髮文身之俗，大概是漁獵時代的風俗。荆乃地名，蠻則南方之通稱，今梅村之南有地名荆村，土人相傳爲泰伯始居地。孔子對於泰伯，非常崇拜，稱其有三讓之德，讓是中國文化的主要特徵。但泰伯之令人崇拜，不僅在消極的讓位，乃在讓位之後，獨爲江南開創文化。泰伯是現今陝西岐山縣人，周太王的長子，周文王的伯父，周太王（即古公名亶父）生三子，長泰伯，次仲雍，次季歷。季歷娶太任，生子昌，後來稱爲文王。古史稱太王有滅殷之意，欲傳季歷以及昌，泰伯預知之，偕仲雍托採藥而至荆蠻。所謂三讓者，不立一也，逃去二也，斷髮文身，示不可用三也。泰伯渡江南下，荆蠻人義而歸者千餘家，立爲君長，號曰句吳。東南文明實基于此。漢唐以後，聲名文物之盛，遂甲中國。考泰伯之伯，並非諸侯之伯，泰者善大之稱，伯者長也，周太王之長子，故曰泰伯，仲雍、季歷，皆以字配名。泰伯之逃荆蠻，實與仲雍同竄，雍寓今之常熟縣，墓在虞山，去皇山東北七十里，伯仲事同，而德亦相同。當初泰伯南下，並無尺土之基，及乎所至之地，義而歸之，奉以爲君，遂得開闢江南，建立新國，完全由於個人號召的力量。泰伯無子，卒，弟仲雍立，仲雍傳子

#### 無錫文獻叢刊第四輯（梅里志、泰伯梅里志）

#### 四

季簡，季簡傳子叔達，叔達傳子周章。……周章十三傳至壽夢，吳始大，稱王，當魯成公七年（西元前五八五年），始通於中國，而見於春秋，自泰伯至王僚二十三君，皆都無錫梅里。

吳泰伯之在東南，實爲首功，其功績至今猶不朽的，就是泰伯瀆。史稱泰伯築城郭以爲藩衛，穿滄瀆以備旱潦。其城號曰吳城，周三里餘，外郭周三百餘里。城址已堙，其遺迹尙有泰伯廟，卽至德祠，前有石坊，上鐫「至德名邦」，廟後卽泰伯瀆。伯瀆西起運河，東至鵝湖，湖東入吳縣界，瀆長四十里，爲農田灌溉之通渠。唐元和八年（西元八一三年），常州刺史孟簡嘗浚導之，亦稱孟瀆。但民間有口，但言伯瀆，不聞孟瀆也。可見功德之在民生，昭昭不可泯滅。……大概泰伯的政見，反對戰爭而崇尚文治，所以吳至春秋，猶不知乘車及戰陣之術。左傳成公七年，吳壽夢二年，楚之亡大夫申公巫臣教吳乘車，教之戰陣，可以爲證。至其注重文教的成績，延陵季子便是最傑出的代表，無錫人物以延陵季子爲首。他是仲雍第十九世孫，名季札，封延陵，……故稱延陵季子。季札爲壽夢少子，壽夢欲傳位季札，亦猶太王欲立季歷之意。季札不可，棄其室而耕，終身不入吳國，其讓德有泰伯之餘風。季札之賢，遂使荆蠻一變而爲諸夏。魯襄公二十九年（西元前五四四年），季子出聘於諸侯，至魯請聽周樂，於國風雅頌之精義，言之無或爽者；又嘗見叔孫穆子、晏平仲、鄭子產、蘧伯玉、韓宣子之徒，而察其政治之得失，極有見識。……明代無錫名儒高攀龍有云：『至德之聖，讓天下而逃，不至名山大川，不至於長林浚谷，而至於荆也；不止於三江五

湖，不之於幽岩絕壑，而至於吾錫之決薺平墟，豈其無故耶？』可見秦伯並非抱消極的態度，他對自己的事業，自己的前途，有確定的主張。現在無錫的農工商業，均極發達，有模範縣之稱，飲水思源，不能不欽佩吳秦伯的卓見了。』

梅里志四卷，卷首一卷。三韓、吳存禮編於清代康熙末年。先是里有蔡名烜，字喝谷，縣學生。嘗佐

同學浦起龍校讀杜心解、著西村詩草、梁溪詩鈔著錄者。自其高曾祖以下。咸預董理秦伯廟事。嘗有意纂輯梅里志。既

獲錢肅潤邑志儒林有傳、梁溪詩鈔著錄、所錄城郭、道里暨歷代褒崇祀典之碑記文字。又得浦光騰字鴻昌、縣學生、之皇山

古蹟一卷。乃日與同學李天根、原名大本、以字行、布衣、平生不妄言、尋太伯故都遺跡。勘其疆

域。以及里中之山川脈絡。村鎮橋梁。無不考諸史乘。記其概略。並囑趙弘基、字文歧、布衣、繪圖卷

首。藏稿待梓。會吳存禮以至德後裔。巡撫江南。嘗詣梅里。瞻拜廟墓。而謀所以闡揚祖德

者。爰索志稿。交其同宗吳應葵、浙江、歸安縣人、康熙五十四年乙未進士、時官翰林院編修、重加編次。釐爲四卷。稿本仍歸

蔡氏。復經杜詔、邑志文苑有傳、梁溪詩鈔著錄、之訂正譌誤。蔡永清之校覈異同。然後付之剞劂。時在雍正

二年甲辰。是爲初刊之本。江蘇省立圖書館、美國國會圖書館、日本內閣文庫藏書目均著錄。因其首列史記吳太伯世家全文。並

採摭散見於經傳之事實。附以自吳太伯、仲雍至吳王夫差之世系。似爲吳氏譜系而作。已出

乎地志體例之外。毋怪四庫全書纂修官不以地志目之。列入史部傳記類存目。提要曰：

「梅里志四卷。國朝、吳存禮撰。存禮、奉天人。官至江南巡撫。考史記吳世家、張守

節正義稱泰伯居梅里。在常州、無錫縣東南。存禮以吳氏出自泰伯。因爲是書。以述其祖德」。

梅里志鏤板行世後。流傳百年。迭經重印。板片剝蝕過半。道光四年甲申。泰伯廟西院

住持華乾

邑志釋道有傳

重付梓人。並補刻廟墓碑記諸文於卷四之後。是爲重刻之本

國立中央研究院傳斯年圖書館、江蘇

省立南京國學圖書館、無錫縣圖書館、美國國會圖書館、日本京都大學人文科學研究所藏書目均著錄。

審其內容。體例未純。不無可議。光緒間邑人

劉繼增

字石香、號寄漚、工詞章、不事舉業、善書畫、尤精考據之學、著寄漚文鈔二卷

詩鈔四卷、詞鈔一卷、民國十一年壬戌縣圖書館排印行世、續梁溪詩鈔著錄

。錄供參考：

讀梅里志書後（錄自寄漚文鈔）

「康熙末年，三韓吳氏存禮撫吳日。撰梅里志四卷。曾與四庫史部存目。今所傳本。爲道光四年泰伯廟道士華乾重刻。末附碑記諸文。乃後來贅入。姑勿論。茲論其原書。前列史記世家。廣引經傳注疏。旁及新序季子過徐脫劍事。意在博采。然如韓詩外傳卷十。論衡、四諱篇。漢以前書言泰伯者。反置勿錄。未免蠲疏。書以梅里志爲名。古梅里經界廣袤不可考。其建置、城郭、山川、祠墓。自不妨以今地爲斷。無錫舊志。縣自宋以前轄二十六鄉。有泰伯鄉、梅里鄉。明季併梅里入泰伯、南延、北延、懷仁、景雲五鄉。今析隸金匱。其舊統都圖。按籍可考。作志當合泰伯、梅里二鄉。詳定界限。發凡起例。乃見不及此。泛引延陵、闔閭、虞山、安陽山、柯山、閭江山非梅里



地爲附見。夫非梅里地而牽涉吳事者。不止此數處。其能一一附見乎。如不能。舉一遺百矣。詩文內載李紓撰讓皇帝廟樂章。見樂府詩集。此讓皇帝乃唐睿宗長子憲。新舊唐書有傳。尤與泰伯無涉。泰伯祠詩至德本無名一首。乃張詠撰。志誤作范仲淹。又曾幾重修至德廟記。校范成大吳郡志。脫落至百餘字。其他譌繆。指不勝摘。疑當時遽以抄撮未定之稿付梓。杜太史詔雖爲作序。其實未嘗考訂也。梅里爲泰伯兆基之地。泰伯至德。如日月經天。無藉搬演文字爲之表彰。作志者宜以古今沿革。人物文獻掌故。搜訂采輯。以符地志體例。不必因後裔追述祖德。圖例世系若譜牒然。詳所不當詳。簡所不當簡。世有通人。必更作之。光緒丁亥冬十月。里人劉繼增。」

梅里志誠有未協地志之例。且有舛誤。然事皆徵實。文盡有據。應無異辭。或謂書名梅里志。當以志梅里爲要旨。曰志者。誌也。史傳記事之文謂之誌。作梅里志。應該括梅里之文獻而爲之。孔子稱泰伯爲至德。太伯之值得後人之崇敬。自不待言。梅里則因太伯曾居其土而聞名於世。志梅里。先傳記而後地理。宜乎杜詔之序之正所以崇其始也。

(二)泰伯梅里志八卷(清、保山、吳熙編輯。金匱、安起東、浦傳桂原稿。金匱、過鑄、劉繼增參訂。光緒二十三年丁酉泰伯廟東院住持許巨楫校刊四冊。美國國會圖書館藏。)

泰伯梅里志者。清道光、咸豐年間。邑人安起東字慕林、號耐庵、安鎮人、博學好古、因吳存禮所編之梅里志字輪香、號盟鷗、世居前洞四卷。未盡符合地志之例。擬重加綴輯。乃與同志浦傳桂、博覽群籍、工詩古文辭。商榷數載